

經律異相

卷三十四

四百四十三  
傍四

5120



元祿九年丙子二月日重修

皇圖肇固 帝潛緞昌

佛日增輝 懋輪崇轉

山城州天安寺法金剛院置



經律異相卷第三十四

梁沙門僧旻寶唱撰



傍

諸國王女部

波羅柰王金女求佛為夫一

波斯匿王金剛取醜以念佛力立

改姝顏二

波斯匿王女喪誓更於樹下復得後

夫三

安息王女先從狗中來四

波羅柰王七女與帝釋共語五

王女金剛為火所焚六

王女見水上泡起等常想七





玉女摩罔尼為婆羅門所嫉八

王女狗頭感捕魚師述婆伽九

波羅柰王金女求佛夫一

波羅柰國王夫人生一女身黃金色頭髮紺

青時年十六父母見女長女欲為求婿女言

我不用婿若欲為我求婿者當令身黃金色

頭髮紺青如是者乃可令耳父母便為求索

了不能得佛時在舍衛國舍衛國有人價作

到波羅柰國國王即請價人與相見問訊以

女示之言我為是女求婿天下寧有好人賈

人答言我國中有人復勝是女者王聞歡喜

令賈人迎取佛賈人便作書與佛書上說是

女端正甚好。每比欲為佛娶之。佛在祇洹中。為諸比丘數千人說經。持書人直前至佛所。佛預知書上所說。得便裂壞之作書報與金色女。言人苦皆從恩愛。生生當復老老當復病。從病致死。從死致憂。哭天下苦者皆從恩愛。生女得書。自思惟。即得五通。達一者眼能徹視。二者耳能徹聽。三者知他人心。念四者知所從生。五者能飛行。便與父母辭訣。飛到佛前。佛即微笑。五色光明從口中出。阿難前問佛言。阿難。汝見此女。健乃如是。欲知之者。迦葉佛時。是金色女。為貧家作婦。其墻有手足拘攣。不能行步。時國王字基立。有一女端正。



身著金銀瓔珞不到迦葉佛所受經戒時  
貧人婦身但被一氎布亦復隨往到佛所外  
人不聽前貧人婦自念言我何故獨不得前  
王女獨前佛即知之令人呼前婦即作禮白  
言是王女何故獨豪貴如此我獨貧窮佛語  
婦人是王女前世好喜讀經以衣施雲沙  
故今世得豪尊端正汝前世不樂經法慳吝  
不肯布施見沙門不相承事令汝今世貧窮  
如是貧婦言願佛哀我愚癡教我經法迦葉  
佛便教之於樹下讀經坐自思惟便取樹葉  
縫連作衣以覆其身欲持身上所著氎布衣  
上佛天正釋見月至心便將天衣金銀獻貧

與之婦得衣便二布施設供壽終生天共

壽盡來生世間為國王女喜讀經布施故身

黃金色頭髮紺青出金色

波斯匿王女金剛形醜以念佛力立改姝顏

二佛在舍衛國今時波斯匿王最大夫人名

曰末利時生一女字曰波闍羅梁暗女面醜

粟肌体麤澀猶如駝皮髮如馬毛王觀此女

無一喜心便勅宮內勤意守護勿令外人得

見之也女年轉大任當嫁處王告吏臣卿可

推尋豪姓貪者便可將來臣即如教得一貪

窮豪姓之士將至王所向彼人說我有一女

面狀醜惡未有以類當相供給想卿不逆當



納受之時長者子長跪自言當奉王勅王  
以女妻彼貧人起宮宅門闔七重王勅女夫  
自捉戶排若欲出時而自閉之勿令人觀見  
女面狀王給女壻使盡之短又拜為大臣其  
人有財與諸豪族共為讌會月月更為會同  
之時夫婦俱詣諸人未會悉皆將婦唯彼友  
屏恒常獨往眾人疑恠彼人婦者僅能端正  
或能極醜是以彼人故不將來密共相語勸  
酒令醉解取門排閉其門戶時女心悔自責  
罪咎我種何罪為夫所憎恒見幽閑不覩眾  
人復自念言佛現在世潤益眾生苦厄皆度  
即便至心遙禮世尊唯願垂愍剏於我前



見教訓其女誠篤佛知其意即到其家於其  
女前地中踊出其女見佛心生歡喜惡相即  
滅身體端嚴猶如天女竒恣蓋世佛愍女故  
為說妙法即盡諸惡得須陀洹道時彼五人  
開戶入內見婦端正恠不將來還閉門戶持  
繩繫木帶其人醒悟會罷至家見婦恣容人  
中難有欣然問曰汝是何人女答夫言我是  
汝婦夫言汝前極醜今者端正其婦具說上  
事其夫即往白王今者蒙佛祚恩已得端正  
天女無異王勅將來迎女入宮王見歡喜平  
及夫人及女并女夫共至佛所禮佛言不審  
此女宿指何福乃生豪富受醜陋形佛告王

曰過去世時國名波羅素有大長者財富無  
量舉家恒共供養一辟支佛身體麤惡形狀  
醜陋時彼長者有一小女見彼辟支惡心輕  
慢呵罵毀言面兒醜陋身皮麤惡何其可憎  
此辟支佛受其供養欲入涅槃為其檀越作  
夢即從空下還至其家長者信喜女即  
悔過唯願尊者當見原恕時辟支佛聽其懺  
悔佛告大王今時女者今女<sub>下</sub>王<sub>上</sub>是毀皆賢聖  
受醜陋形後見神變自改悔故還得端正由  
供養佛故世世富貴緣得解脫

出賢愚經  
第二卷

波斯匿女喪婿更於樹下復得後夫三  
佛詣迦羅越家食入不閉門後隨耒耨一切



皆與食得令飽滿弟發惡意我不聽及若得  
自在比丘來時我折其脚兄弟二人便各別  
去皆樹下卧弟發惡意有牛驚奔轉折其脚  
兄發善意曰西樹蔭故處其上波斯匿女墮  
亡王甚憐愛為其女呼婆羅門相覓福人以  
為女墮婆羅門出案行見一人卧在樹下卧  
西樹蔭故覆婆羅門言此是福人所以白王  
王言那知具其上事呼來澡洗更著好衣便  
嫁女與之

出十卷 經才四卷 聲言 奇

安息國王女先從狗來四

昔外國有城名頭迦羅中有白衣日日請沙  
門還家中食沙門是羅漢沙門坐飯中守有

狗沙門食時常搏飯分狗狗得飯敢便坐好  
心向沙門沙門日日往狗便習得沙門食時  
狗思見沙門沙門來便復持一搏飯與狗狗  
有好心向沙門積年命終乃為安息國王女  
生便截宿命知本是狗云我棄狗身得王女  
身國中都在佛寺沙門時月支王遣使詣王  
王見使賢明意欲女與作婦使指去女見  
沙門心大歡喜憶先作狗沙門與飯好向沙  
門今得人身今當大供養沙門月支國中大  
有沙門婦常日日飲食三五百人手自斟酌  
不使人容飯食適訖手自掃地舍中婦女奴  
婢皆生好心言此婦乃是王女來在此間常



掃除供養沙門掃除供養沙門我輩亦當用心奴婢輩便取便取

去掃箒欲自掃地大家索箒了不知處便取

簾中初來所著衣卷以掃地夫見婦以新衣

掃地便言卿雖敬佛法何事乃當以衣掃地

當索掃箒婦言我但以好心向一沙門二歲

得是衣耳政以此衣掃當何苦哉我前世時

初無可用布施但有好心信有佛法故得此

福亦不治生得此衣也夫語婦言卿雖信佛

法供養沙門未曾見沙門與卿一錢兩錢衣

皆是我筋力所致婦便為夫自說宿命言我

前世時生在狗中大家數請沙門沙門搏食

與我我有好心向沙門故去此狗身生為王

家女也夫聞歡喜謂婦言卿但以好心向一

沙門得祐乃尔夫先慳貪聞婦所說即大布  
施無所遺惜齋戒精進興立佛寺夫心念言  
但以好心得此功德婦便報言心能令人得  
佛得生天上得作辟支佛得阿羅漢皆是心  
力也若心念惡令人墮地獄

出明狗命殊作  
國王女自識

命經又出  
福報經

波羅柰國王七女與帝釋共語五

波羅柰國道場從地底上皆黃金色魚鱗鼈  
甲轉次相加往古諸佛皆坐其上王名脂旬  
尼作優婆塞明於經道為佛立精舍極大嚴  
事王有七女皆並端正悉持五戒執節不嫁  
第一女名淑調二名異妙三名除貪四名清



守五名息心六名靜友七名僧婢常以月八  
日十四日十五日二十三日二十九日三十  
日精受八戒持正法齋修厥所信奉戒布施  
名聞智慧之行七女齋畢求到城外塚間遊  
觀王告七女塚間可惡但有死人骸骨狼籍  
狐狸鷄鶻食噉其肉諸哭泣者滿在其間有  
何可觀我宮裏有園苑浴池其中有五色蓮  
華鵙鵲鴛鴦衆鳥翔集其地列重光日之草  
琦樹陰涼甘果恣口可往遊戲七女答言大  
王甘果衆美何益於我我見世人生壽無幾  
命日趣死形爲幻化莫得久存我以免夫幼  
孩不爲甘美惑也徒欲觀非常之法願却貪

意耳願王哀許王即聽之七女俱出城外往  
到塚間大臭之處聞哭泣之聲歔然毛豎因  
共直前觀諸死人見有斷頭斷臂手脚異處  
或有殭屍草覆席裏或有辜格在地生草束  
縛中有罪未死者家室啼哭令其解脫又有  
擔負死人從城中出者七女左右遠望見死  
者甚多諸飛鳥走獸爭食其肉或就土中拖  
掣屍出胖脹生蟲其臭難近於是七女繞之  
一帀自相謂言我曹身體不久亦各說一  
頌第一女言

世人重其身

妙衣加寶香

綺視雅容步

姿則欲人觀

死皆棄於塚

何用是飾嚴



第二女言

譬如一身居

人去舍毀傾

神遊而身棄

莫能制其形

癡貪謂可保

安知後當亡

第三女言

觀神載形時

猶馬駕車行

車敗而馬去

可知此非常

第四女言

本見城完好

中人樂安居

所求未央足

何便忽空虛

第五女言

若乘船渡水

至當捨船去

形非神常宅

焉得久長居

第六女言

人死依冢卧

形具尚鮮好

佺然不動搖

厥神安所在

第七女言

如雀在瓶中

羅縠覆其口

縠穿雀飛去

神自隨行走

時天帝釋聞之下讚善哉善哉汝欲何願  
今與汝七女問曰是梵天耶將地神耶得無  
帝釋耶答言然吾是忉利天帝釋也第一女  
言願得無根無枝無葉之樹於其中生如是  
為快第二女言願所生之地清淨無欲無有  
陰陽寂無所緣第三女言願如山谷呼聲之



響無往無反自然無形第四女言願如虛空  
不始不終無所出生與道通洞釋言止止諸  
女所願甚妙欲作日月中王為可得矣若夫  
虛無無想非吾所製七女言天帝神德高大  
何以不能致此佛說食福者福盡不免於畏  
譬如老牛不能為人用何益於我哉天帝釋  
言諸女修齋戒吾亦奉於佛當為法兄弟恣  
乎妙願言竟不現

出佛說  
七女經

波斯匿王女金剛為火所焚六

波斯匿王有一寡女名曰金剛莊嚴來歸父  
王哀愍別為立宮給五百妓女以娛樂之有  
一長老青衣名曰度勝恒行市脂粉香華忽

見男女無數大衆各賣香華出城卽問欲何  
所至衆人荅言欲問訊佛佛出世間三界之  
尊度脫衆生皆得泥洹度勝聞之心悅意喜  
卽自念言會老見佛宿世之福便分香直持  
買好香華隨衆人輦往到佛所作禮訖却立  
散華燒香一心聽法過市取一香物因聽法  
功德宿行所得之香氣熏倍前嫌其遲晚而  
共詰之度勝言世有聖師三界之尊說無上  
法隨人聽受是以稽遲金剛聞歡喜而自歎  
曰吾等何罪獨隔不聞卽報度勝試爲我說  
度勝受命卽先遣出具受儀式度勝未還金  
剛侍女側息中庭如子待母佛告度勝汝還



說法之儀先敷高座度勝受勅具宣聖旨皆  
大歡喜各脫衣一領積為高座度勝洗浴承  
佛威神如應說法金剛女等五百餘人疑解  
破惡得須陀洹道說法甚美不覺失火一時  
燒死即生天上王拾棺殮葬送畢往過佛所  
佛問王所從來王曰金剛不幸不覺失火內  
小燒盡適棺殮還不審何罪遇此火害唯願  
世尊彰告未聞佛告大王過去世時有城名  
波羅柰有長者婦將姪女五百人至城外大  
祠祀其法難犯他姓之人不得到邊不問親  
疎來者擲著火中時世有一辟支佛名曰迦  
羅處在山中晨來分衛暮輒還山中迦羅分

衛來趣郊祀長者婦見之忽然瞋恚共捉迦  
羅擲著火中舉身焦爛便現神足飛昇虛空  
衆女驚怖泣淚悔過長跪舉頭而自陳曰女  
人癡蠢不識至真群惡愚荒毀辱神靈自唯  
過疊罪如山積願降尊德以消重殃尋聲即  
下而般泥洹諸女起塔供養舍利佛爲大王  
而說偈言

愚蠢作惡不能自解 殃追自焚 罪成熾然  
愚所望處 不謂適苦 臨墮厄地 乃知不善

佛告大王介時長者婦今王女金剛是五百

侍女今度勝等五百侍女是

出愚闇法句  
經第二卷

國王女見水上泡起無常想七



昔有國王女爲王所愛未曾離日時天降雨  
水上有泡女見水泡意甚愛敬女白王言我  
欲得水上泡以爲頭華鬘王告女曰今水上  
泡不可執持云何得取以爲華鬘女言設不  
得者我當自殺王聞女語告巧師曰汝等竒  
巧靡事不通速取水泡與我女作鬘若不尅  
者當斬汝等荅曰我等不堪取泡作鬘有一  
老匠言我能取泡王甚歡喜即告女曰今有  
一人堪任作鬘汝可自往躬自臨視女隨王  
語在外瞻視時彼老匠白王女言我素不別  
水泡好醜伏願玉女躬自取泡我當作鬘女  
尋取泡隨手破壞不能得之如是終日竟不

得泡女自疲馱而捨之去。女白王言水泡虛  
偽不可久。停願王與我作紫磨金髮。終日竟  
夜無有枯萎水上泡者。誑惑人目。雖有形質  
生生便滅。盛炎野馬亦復如是。渴愛疲勞而  
喪其命。人身虛偽樂少苦多。磨滅之法不得  
久。停遷轉變易在。世無幾。

出冰上  
泡經

摩梨尼為婆羅門所嫉。八

過去有王名曰禁寐。生一女兒。著自然金華  
鬘。号曰摩梨尼。王召國內同日生女五百人。  
以充給使。摩梨尼年大。供養五百婆羅門。日  
日不替。時迦葉佛住一園中。常出遊行。至佛  
住園。御者不入。女問我無園不入。何故避此。



荅曰此園但有禿頭沙門名曰迦葉不宜見之是故不入女曰可入見佛金色心大歡喜頭面作禮佛為說法得果受三歸五戒致敬而去女自追念婆羅門非良福田不應受施迴以供佛時婆羅門聞摩梨尼作迦葉弟子更以上饌而供養之心生嫉妬禁寐已夜得十

一種夢曰集群臣自學所夢臣令問相婆羅門婆羅門曰此夢不祥或當大國或能喪命王曰可免乎相師荅曰須種種牛羊象馬并王女摩梨尼及五百眷屬却後七日於四街道中殺以祠天此灾可滅或聞勅令即辦呼摩梨尼以事語之六日之內隨意所欲荅曰

甚不惜死願第一日與城中男女共至迦葉  
佛所皆受三歸五戒王即聽之願第二日與  
王衆臣共往佛所願第三日與諸王子共往  
佛所願第四日與諸王女共詣佛所願第五  
日與王夫人媼女共至佛所願第六日與王  
共至佛所王悉聽許及與衆人往至佛所佛  
爲說法得果皆受三歸五戒王向迦葉佛說  
十一夢佛言此夢所爲未來非現在也夢小  
樹生華者當來有佛名釋迦文時世之人年  
始二十頭生白髮已生兒子夢犢子耕者十  
歲見領家事父母不得自在夢三釜並煮飯  
邊釜各跳相入不墮中央者富者更相惠施



貧者不得夢見駱駝兩頭食草者群臣既食  
王有復取民物夢見馬母飲駒乳者時母嫁  
女反從求食夢見金鉢於虛空中行者雨澤  
不時夢見野狐尿金鉢中者人民從富婚不  
顧姓族夢獼猴坐床上者時國王用非法治  
暴虐無道夢見牛頭栴檀賣與腐草同價者  
釋種貪利爲人說法夢見水中央濁四邊清  
者佛法中國先滅邊國反盛於主之身無有  
不祥王即於座上勅諸臣曰祠天之牲今悉  
無畏吾從今寧自失命不故殺生況殺人乎

出弥沙律  
第三十卷

國王女狗頭感捕魚師述婆伽九

國王有女名曰狗頭有捕魚師名述婆伽隨道而行遙見王女在高樓上窻中見面想像染著心不暫捨弥歷日月不能飲食母問其故以情荅母我見王女心不能忘母抑喻言汝是小人王女尊貴不可得也兒言我心願樂不能暫忘若不如意不能活也母爲子故入王宮中常送肥魚肥肉以遺王女而不取價王女怪問汝欲求何母白王女願却左右當以情告我唯有一子敬慕王女情結成病命不云遠願垂愍念賜其生命王女言曰汝月十五日於某甲天祠中住天像後母還語子汝願已得告之如上沐浴新衣在天像後



住王女至時白其父王我有不吉須至天祠  
以求吉福王言大善即嚴車五百乘出至天  
祠既到勅諸從者齊門而止獨入天祠天神  
思惟此不應尔王爲施主不可令此小人毀  
辱王女即厭此人令睡不覺王女既入見其  
睡重推之不悟即以瓔珞直十萬兩金遺之  
而去去後此人得覺見有瓔珞又問衆人知  
王女來情願不遂憂恨懊惱姪火內發自燒  
而死以是證故知女人之心不擇貴賤唯欲  
是從復次昔有國王女逐拏陀羅共爲不淨  
又有仙人女隨逐師子等

經律異相卷第三十四

姝顏反上尺朱泡音拋水

也拘孿脚縮病也

讌會見反於戶排門鉤也

瞽遲雞上音輓音曆碾

掃箒上蘇到反簾中上音鹿

賈作上音古訣音決

縫連上音肌音氣

即鑰音藥些言些紫二同音

揣飯上音斟酌上音

叔調上音狐狸

傍

上音胡下鷄鵠上尺脂反下音鵠音鵠音鵠音

鳥也翔音祥飛歆然怖也彊屍上音薑死

辜格上音姑下古陌反今恐正拖掣上音他

反臄脹上反江反又正祠祀二音詞似博音

倜然上他羅穀下胡詰起一棺殮下反力癡蠢

反愚也過豐下許暴虐下反腐草上音父



枯萎

下馬為反

寐

密二反

禿頭

上谷反

釜

音父也

鼎

跳

音條字躍

牲

音生祭也

畜

抑止音也

憶


以遺

下聲去

即

厭

下亦厭反



九

